

DISCOVRS DE L'AV-
THORITE' ET PVISSANCE
Royale , contre l'Aduis n'a-
guerres imprimé au preiudice d'i-
celle , & du repos de cest Estat.

M. D. C. XV.

DICTIONNAIRE DE LA VIE
TRADUITE ET PUBLIEE PAR
RUBENS, contre l'abus des
généralisations et des
clichés de l'école de la vie.

M. D. C. X.

DISCOVRS DE L'A-
THORITE' ET PVISSANCE
Royale, contre l'Aduis n'a-
gueres imprimé au preiudice d'i-
celle, & du repos de cest Estat.

DI E v tout-Puissant & tout bon,
ayant composé l'homme de deux
parties, L'vne spirituelle, qui est
l'ame, doüée du Liberal Arbitre à son
Image & semblance: L'autre terrestre,
qui est ce corps brutal & animal, l'a aussi
pourueu de deux puissâces, pour le regir
& gouverner: lesquelles estans establies
toutes deux de sa Diuine Maiesté, ne se
doiuent ny heurter, ny entrechoquer:
mais se fomentier, & fortifier l'vne l'au-
tre: A sçauoir la spirituelle, declarant les
maledictions preparees à ceux qui n'o-
beissent à la tēporelle, & apportât rou-
te l'autorité que nostre Seigneur luy
a mise en main pour la faire recognoistre
& obeyr selon que l'Apostre enseigne,
Non solum propter iram, sed propter conscien-

tiam : C'est à dire, Non seulement pour la
 peur de la perte des biens, de la vie, & de
 toute chose caducque : mais pour la
 crainte de perdre les biens & la vie eter-
 nelle. Aussi la temporelle doit contrain-
 dre par chastiment & punitiōs sur les ri-
 chesses & vies, d'acquiescer aux Arrests
 & Ordōnances de la spirituelle. En ceste
 sortel'Empereur Constatin disoit. Qu'il
 estoit Euesque audehors de l'Eglise c'est
 à dire, pour faire executer les Decrets
 Ecclesiastiques, & contraindre à son
 obeyssāce les rebelles : ce que le S. Esp.
 auoit prophetisé par Isaie, *Erunt reges nu-
 triciij tui, & Reginae nutriciae tuae*, Les Roys &
 les Reynes seront tes nourrices, & tes
 deffenseurs. Ainssi les S. Peres appelloiēt
 les Empereurs les bras de l'Eglise, les
 Protecteurs, & les Deffenseurs. En ce
 sens le Canō dit que l'Eglise a deux glai-
 ues : L'un qui est spirituel, sçauoir l'Ex-
 communication residāt en elle. L'autre
 hors d'elle, sçauoir entre les mains des
 Roys, auxquelles Dieu l'a mis : qui i doit
 estre desgainé pour son profit & vtilité,
 & le plus souuent par son ordōnan ce, &
 iamaïs contre. Ce que par dessus toutes les

Monarques du monde, nos Roys ont reconnu; & pour l'auoir pratiqué, ont acquis les tiltres de tref- Chresttiés, & premiers fils del'Eglise, estans allez si librement porter leurs armes victorieuses en Europe, Asie, & Affrique, si tost que les Papes ont Publié la Croisade, & les ont exhortez à vn si sainct œuure: Et autant de fois qu'ils ont esté requis sont allez mesmes cōtre les rebelles du sainct Siege, quelques-fois restablissant les Papes dedans, autrefois les y maintenant, & les deliurant d'oppressiō, en punissant leurs rebelles. Qui ne sçait ce que Pepin & Charlemagne ont faict pour la grādeur & splendeur du sainct Siege, contre les Empereurs d'Oriēt. Roy des Lombars, & autres, & quelles benedictions Iesus-Christ versa sur eux par les mains de son Vicaire, & à quel degre d'honneur par son moyen ils accreurent leurs Empires & reputation? Qui ne sçait ce que saint Louys au Concile de Lyon fit en faueur del'Eglise cōtre l'Empereur Federic, qui la persecutoit? & tous nos Roys quand l'ocasiō s'en est presentee, recognoissans que si nous voulons d'vn Roy-

aume terrestre paruenir au Celeste, siro'
 les biens & honneurs de ce monde sont
 caducqs & perissables, ceux qui sont
 promis par la bouche de la verité au Ciel
 sont eternels. Il faut que le corps soit
 subject à l'ame, la chair à l'esprit, la puis-
 sance temporelle à la spirituelle: laquel-
 le comme dit S. Paul, se doit tousiours
 employer *in ædificatione, non in destructio-*
nem: comme la houlette du berger, pour
 le bien & vtilité des brebis. Neâtmoins
 depuis que les erreurs ont pullulé en ce
 Royaume, & que ceste France si heu-
 reuse iusques au temps de saint Hieros-
 me, pour n'auoir point enfanté, nynour-
 ry des monstres alors, en est en ces der-
 niers siecles deuenue si feconde à son
 malheur, qu'il s'en est engendré vn tref-
 pernicious, produisant des fantasies, &
 apprehensions de l'autorité du Pape
 (qui est pure Spirituelle) comme si sa
 Saincteté vouloit enuahir la temporelle
 de nos Roys, laquelle il recognoist legi-
 time, & establie de Dieu, & voudroit
 employer non seulement son autorité
 voire sa vie, pour la deffendre & affer-
 mir. Voyez quelle imagination, ou

quelle ruze de Sathan ? Les Papes n'ont
 iamais empieté le Royaume d'aucū, ains
 ont souuent donné ceux qu'ils auoient,
 cōme ceux de Naples & de Sicile à Char-
 les de France Comte d'Anjou & du Mai-
 ne: celui d'Irlande à Henry second Roy
 d'Angleterre: Car Polidore Virgile tes-
 moigne au 3. liure de son Histoire d'An-
 gleterre, que ledit Henry ayāt conque-
 sté lad. Irlande, & que traictant avec les
 Estats de lad. Isle de son vnion à la Cou-
 ronne d'Angleterre, fut respondu audit
 Roy, que dès le temps auquel ils auoiēt
 receu la foy Chrestienne, ils estoient sub-
 jets du saint Siege de Rome, & que la-
 dite vnion ne se pouuoit faire sans le cō-
 sentemēt d'iceluy: Et pour cest effect, le-
 dit Henry delegua des Ambassadeurs au
 Pape Alexandre troisieme du nom, qui
 la luy accorda, en se reseruant le droit du
 denier de S. Pierre sur chaque maisō: ce
 qui est mentionné dans vne Epistre du
 Pape Adrian 4. enuiron l'an 1159. Nostre
 saint Pere donc est Vicaire de celui de
 qui il est escrit, *non eripit mortalia qui regnat
 dat celestia*. Au contraire l'Herésie n'a ia-
 mais leuē ses cornes contre la Puissance

Ecclesiastique, qu'elle ne les ait portées contre les Roys & Princes tēporels, es-
 sayé de les renuerfer par terre, enuahir
 leurs villes, & tributs, porter le feu & le
 glaiue audacieusement dans leurs Cha-
 steaux, & maisōs propres dequoy il n'y a
 que trop d'exemples recens en France,
 Allemagne, Pays-bas, Geneue: Et cepē-
 dant comme la femme qui auoit tué son
 fils, en accuſoit vne autre impudēment
 deuant Salomon du mesme crime dont
 elle estoit ſouillée, ainsi avec la mesme
 effrōteriel'on a osé accuser l'Eglise Ca-
 tholique, Apostolique & Romaine du
 forfait propre & particulier à l'heresie &
 quelques-vns faisans ou feignāts les Ca-
 tholiques sont si simples que de croire
 ceste meschanceté, où si peruers d'ē fai-
 re le semblāt. Donc, Messieurs, sçachez
 que les legitimes Puissances ne s'entre-
 chocquēt point. Il ny a que les nouuel-
 les qui heurtēt les establies, pour se glis-
 ser en leurs places, & que nōs Roys sont
 interessez à la grādeur & autorité de
 l'Eglise, cōme le Fils aîné & bien aymé
 au bien de sa mere, & l'Eglise à celle de
 nostre Roy, cōme son deſſeſeur & Pro-
 tecteur

puis l'an 1560. auquel François 2. deceda,
 & laissa trois freres en bas aage, quel'he-
 resie & la rebellion essayerent d'estouffer
 en leurs premieres annees, [en la mesme
 facon que le Roy d'Angleterre à present
 viuant dict, qu'il a presque esté estouffé
 dās le berceau par les Puritains.) Les Pa-
 pes assisterent continuellement nos Rois
 en tout ce qu'ils peurent, & assistent sans
 cesse ceste Couronne: L'on sçait l'argent
 & les forces que Pie V. d'heureuse me-
 moire enuoya au Roy Charles 9. en tēps
 que S. M. en auoit grand besoin, les ser-
 uices que lesdites forces rendirent à cest
 estat à la deffence de Poictiers, quand ce
 vaillant & genereux Prince Henry de
 Lorraine Duc de Guise se ietta dedans
 & soustint l'effort de 30 à 40. mille hom-
 mes rebelles à l'Eglise & au Roy, & les cō-
 traignit à leur honte de leuer le siege, &
 les empescha d'vsurper le domaine de S.
 M. Depuis ce que lesdites troupes fi-
 rent à la bataille de Moncontour. D'a-
 uantage nous auons ressentý les benedi-
 ctions du Pape Clement 8. & jouýssons
 heureusement, (Dieu nous veuille conti-
 nuer ceste felicité à la duree du monde,)

des effectz de sa bien-veillāce paternelle enuers nostre Roy Henry le Grād, dont ceux qui crient cōtre sa Saincteté, se fâchent fort, tesmoin l'Impression qu'ils font sortir au iour de son aduis dōné au Conseil, aussi peu Chrestien que Iudicieux & fidelle: Il ne peut estre Chrestieñ estant cōtre les principes du Christianisme, entre les deffinitions des Saincts Conciles, & le consentement vniuersel de tous les docteurs, qui ont escrit de ceste matiere. Il ne peut estre Iudicieux, offensānt le Pere commun, que chacun doit respecter, faisant desplaisir à celuy qui nous fait tout plaisir, se forgeant vne terreur panique, vne peur imaginaire d'vn mal qui n'est iamais arriué en ce Royaume depuis 12. cents ans qu'il est establi en Monarchie, & feignant vouloir donner remede à des maux incertains & futurs, nous plongent infailliblement dans des schismes, diuisions, & guerres ciuiles presentes: ils forgent vne nuee n'ayant point de lunon. Il est Infidelle en ce qu'il publie les aduis & conseils donnez à son Roy en son Conseil estreict, & secret, contreuenant au ser-

ment sur ce presté, & en ce qu'il conseille S. M. contre son profit, bien & repos de son Estat. Aussi il ne se contente pas de porter son opinion aux oreilles du Roy, car sçachant que ses discours impies ne germent point dans son cœur Royal, & loyal à Dieu, les diuulgue en public aux yeux des Heretiques, Epicuriens, & Athees, cherchant credit & reputation parmy telles gens. Et Dieu sçait à quel dessein & quel fruiet qu'il eu pretend recueillir?

Mais la Roynne sa Mere avec sa prudente conduite, sçait aussi bien remedier à ses mauuais conseils qu'à ses desseins dommageables, le cognoist autant seruiteur dissimulé dans le cabinet, qu'aux troubles derniers ennemy descouuert: là ses troupes rauageoyent vne ou deux provinces, qui s'en sentirôt long temps; icy il essaye & s'efforce à porter leurs Maiestez à des pernicieuses resolutions, qui apporteroient la ruïne & pillage au Royaume, afin que le tout soit conforme à sa partie, & de la liuree de la Champagne.

C'est encores faire vn atroce outrage au Roy de presumer & publier qu'il peut

estre infidelle, ou heretique, & luy dire des injures sous vn beau pretexte. Il est aussi grandement impertinent de proposer que S. M. est seule exēpte de la Iurisdiction des Parlements, exemptiō signifiant inferiorité, ces paroles ne sont que des fleurs de sa Rhetorique: car tous les iours l'on void qu'avec deux doigts de parchemin & trois sols de cire, elle suspend, interdict & aneantist les Parlemēts comme dependans absolument d'elle, qui est la source de de toute iustice.

Mais mettre en doute & en controuerser, si le Roy est seul souuerain de son Royaume, ne dependant que de Dieu, ne recognoissant aucune puissance temporelle, c'est luy faire grand tort & vne injure insupportable aux bons François, suggerans des doubtes dans les esprits foibles, qui peuuent nuire à sa personne, & à son Estat. Le Pape cōme Pere commun comme amy de ceste Couronne, & interessé au bien du Roy, s'offence qu'on luy impute des chimeres si estrāges: Sa Sainteté ne croyant d'auoir aucun droit au temporel du Roy, ny que S. M. ait aucun superieur sur elle, ny sur son Royaume,

comme aussi le Roy est si Chrestien qu'il
 a du regret qu'on luy impose de ne reco-
 gnoistre aucun superieur spirituel. Il
 scait tres-biẽ que Iesus-Christ dit à S.
 Pierre & par luy à tous ses successeurs par
 trois fois, *Pais mes Brebis, Pais mes Agneaux,*
 n'en ayant excepté aucun, comme disoit
 vn ancien, *Quicumque est omnis Christi, omnis est*
& Petri. Et S. Ambroise, *Imperator dicatur*
filius Ecclesie, Imperator enim bonus intra Ec-
clesiam, non supra Ecclesiam est, bonus enim Im-
perator querit auxilium, Ecclesia non refutat.
 Le Roy reuere donc, & reconnoist, non
 seulement le Pape, mais son Euesque,
 son Curé, & son Confesseur, sçachant
 bien que la seruitude sous la main de Ie-
 sus-Christ, & pour l'amour de luy est vne
 grande & seure liberté, que c'est luy qui
 assubjettit les peuples sous la main du
 Roy, comme Dauid dit, *qui subdit popu-*
lum meum sub me, par qui les Roys regnẽt,
 & rendent leurs peuples heureux, *Per me*
reges regnant, & legum conditores iusta decer-
nunt.

Pourquoy donc publier des aduis in-
 discrets, tant de liures impies sous tiltres
 specieux de deffenses de l'autorité

Royale, qui n'est pas attaquée par les Ecclesiastiques ; ains chérie & deffendue comme la prunelle de l'œil ?

L'on dit des palmiers qu'ils sont steriles s'ils ne sont joincts & liez l'un avec l'autre, ainsi ceste Courōne ne peut abondamment produire ses beaux fruicts coutumiers, sans regarder, & estre vnies estreitement à l'Eglise. Le premier Roy Chretien l'a bien monstré, lequel s'estant assubjetti à son doux joug, afferuist puissamment sous sō sceptre tous ceux qu'il voulut, & rapporta autant de victoires qu'il donna de batailles. Et le Roy Philippes Auguste estāt bien attaché d'affection avec le Pape, eut de si frequentes victoires sur le Roy Iean d'Angleterre, surnommé sans terre, qu'il le deposteda quasi de tout son pays, & le fit condescendre à des pactes d'accord glorieux pour sa renommée, & aduanrageux à sō Estat. Le pere de S. Louys, & son fils (le plus iuste & magnanime Prince que le Soleil ait iamais esclairé) se sont grandement preualus des iugements dōnez par les Papes contre les Roys d'Arragon, & Comtes de Thoulouse heretiques Albi-

geois, comme testifie la Chronique de Montfort, ont subiugué lesdits Princes, cōquis leurs terres, & pays qu'ils ont vnis inseparablement à ceste Couronne.

Le Roy Louys 12. apres auoir eu quelques differends avec les Papes, n'eut iamais paix, ny bon succez en ses desseins, qu'apres qu'il se fut reconcilié, avec leurs Saintetez, & en apres tout luy prospera heureusement. ayant pour principal Cōseiller en ses affaires vn Legat du Pape, George Cardinal d'Amboise, qui gouuernoit avec plus d'autorité & de pouuoir, que iamais homme deuant, ny apres n'a faict. Nous ne sommes pas pour faire vn tissu & amas des Histoires cogneuës à chacun, des graces que Dieu a espanduës largement sur les Princes pieux & amateurs du S. Siege, & des sinistres euene-
ments à ceux qui l'ont persecuté, & mal recogneu: mais bien pour manifester que le zele & la pieté du Roy ne cede à celle de ses predecesseurs, & qu'il affluë en iugement pour penetrer les meschantes intentions de ceux qui par des artifices voilez le veulent des-vnir de l'Eglise (hors de laquelle il n'y a point de salut,) & le sepa-

rer insensiblement de l'vnion des Catho-
 liques. Il ayme & respecte la Royne sa
 mere pour l'auoir porté dans ses entrail-
 les, & l'auoir faict participant de la vie de
 ce monde, & conserué heureusement son
 Estat: Il honore & reuere aussi l'Eglise sa
 mere, pour l'auoir regeneré, & ouuert le
 chemin à l'eternelle, tenant pour assuré,
 que tous ses bons seruiteurs & bons Fran-
 çois ne peuuent, & ne doiuent conseiller
 a S. M. sinon le respect, l'amour, & la re-
 cognoissance enuers ses deux Meres. Ve-
 rité si forte, que ceux qui sont separez de
 l'vnion del'Eglise, & n'ont point de mau-
 uaises intentions d'ailleurs, luy conseil-
 lent, comme faict souuentefois vn des
 principaux ministres de son pere, le per-
 suadant & confortant de se maintenir en
 la bien-vueillance du Pape, comme le
 plus ferme appuy & assuré moyen, pour
 maintenir la grandeur & dignité de ceste
 Monarchie, à quoy i'adiouste, comme
 Catholique, que c'est la voye la plus pro-
 pre pour porter Couronne au Ciel, & re-
 gner heureusement avec l'Espoux del'E-
 glise Iesus-Christ Roy des Roys, & Sei-
 gneur des Seigneurs. F I N.

